

傷寒大白

卷上

康熙
雲間秦景明從孫皇士先生著

傷寒大白

女科切要郎出

博古堂藏板

傷寒大白序

醫仁術也。六危機也。精其道而
以活人不精而嘗試之盛。害
致人夭枉者多矣。古之聖人竭
耳目心思之用。著書立說以治
後世。憂之至深而慮之至遠也。然
六氣皆足以傷人而寒之入人為最

毒人之受之者為氣酷仲景以一
人之智闡千載不傳之秘亦既方
法並存常變兼舉矣後之學
者不能致察於精微形迹弗辨
經絡不分真心膠固執成法以施
之無能為功反以得咎而仲景之旨
亦因以晦
皇士秦先生雲間奇士

早負宿慧學儒者之學貫通百家者心濟世不以功名而業日以精
近浮雲窺深淵怡神消息了然心
手之間辨乎陰陽分乎內外驗氣
運之推遷因時度宜以不失乎人
情故其所至癘罷以起天傷以愈
求治於門者屢常滿而先生閉戶

謝客以數十年經歷神合百世之上
潛心考證筆之於書癸巳秋余以
疾得交先生因盡讀枕中之秘微
言高論追踪性哲症因脉治而外
尚有傷寒大白一書未經行世亟請
先堂付梓以傳庶幾仲景之學復
明而先生之道日及于遠是亦生

民之大幸也

省

康熙五十三年歲次甲午夏月
新安陳懋寬書於珠溪別業



序

粵稽上古未有儒先有醫蓋天生蒸民未生后稷教稼周公孔子教學先生黃帝神農岐伯嘗百草療疾病良以人免夭折始得衆庶既庶矣然後教稼以富之講學以教之則知醫者救生

之本耕者養生之源教者人倫之道也若是則保民莫先調養民病然後富之教之者也於是留心醫學時切探討余原籍奉天先大夫叅政京華遂居輦轂下四方醫士雲集京邸因聞天下明醫出在松江然多高隱

未得來京未獲親逢考究自辛
卯春遷任吳閭得見雲間秦子
皇士之書名曰症因脉治施子
宇瞻昆季所刻也症分外感內
傷治分經絡表裡就症以審曰
就因以審脉審治因嘆向聞松
郡多明醫是書果為壽世但曰

遠署虞山先生又杜門却執不
得相朝夕癸巳歲開濬東江未
得告竣各工官會詳申憲奉
此按松而著書之秦子世居河
上遂講論旬日公餘稍暇怡息
其家見架頭有傷寒大白女科
切要詞句分明治法中病果然

大白也切要也此先生格致之
餘晚年之悟加以不二之心不
已之功始得如此越明年會新
安陳子敬敷昆季捐貲壽梓屬
余為序余念秦先生著作真大
功也實能生死人免夭折者也
陳君捐金付梓非細德也實與

施昆季保民生濟衆庶者也余
故樂為之叙 皆

康熙歲次甲午夏現任蘇州府
督理蘇松水師船政海防同知
年通家弟高鈐重南氏序



一卷目錄

傷寒熱病總論

誤下不宜再下論

驗舌色

惡寒

驗唇口論

發熱

驗二便論

寒熱症

辨脉論

身痛

南北方宜發表不同論

頭痛

南北方宜清裏相同論

項強

三陰熱病論

咽痛

三陰寒病論

陰症似陽論

陽症似陰論

宜發表忌發表論

宜清裏忌清裏論

宜和解忌和解論

宜吐法忌吐法論

宜溫經忌溫經論

宜攻下忌攻下論

宜消導忌消導論

宜補虛忌補虛論

傷寒熱病總論

黃帝曰。今夫熱病者。皆傷寒之類也。岐伯曰。人之傷於寒也。則爲熱病。巨陽受之。頭項痛。腰背強。陽明受之。身熱。目疼。鼻乾。不得卧。少陽受之。胸痛。而耳聾。三陽經絡。皆受其病。而未入於藏者。故可汗而已。此言三陽經表症。未入於裏。故可發汗而已者。又曰。太陰受之。腹滿。而咽乾。少陰受之。口燥。舌乾。而渴。厥陰受之。煩滿。而囊縮。三陰三陽五臟六腑。皆受病。營衛不行。臟腑不通。則死矣。此言陽邪傳入三陰經而不愈者。又曰。未滿三日。可汗之。其滿三日者。可泄之。言未

滿三日者。非拘日數。言表症在前也。言滿三日者。亦不拘日數。言裏症在後也。按此。乃是傷寒傳經之陽症。非言寒中三陰不發熱之純陰症也。仲景於是補內經之缺。作傷寒論。闡發寒邪能傷陽經。而爲傳經熱病。豈寒邪反不能傷陰經。而爲直中陰經之陰症乎。於是詳列六經。其各條下。註明症形脉治。分別某者爲表。某者爲裏。某者爲傳經之熱病。某者爲直中陰經之寒病。而同以傷寒論命名。故將冬月及令之正傷寒立論。而主發表用麻黃湯。桂枝湯。攻裏用三乙承氣湯。其表裏兼見之症。用小柴湯。雙解和解。惟